



AGINDUA, HEZKUNTZAKO SAILBURUARENA, XEDAPEN OROKOR BAT EGITEKO ALDEZ AURREKO KONTSULTA EZARTZEKO DENA. XEDAPEN HORREN BIDEZ, EUSKAL HERRIKO UNIBERTSITATEKO GOI-MAILAKO HEZKUNTZAKO ZERBITZU PUBLIKOEN 2024-2025 IKASTURTEKO PREZIOAK FINKATUKO DIRA ETA HORIEN SALBUESPEN ETA MURRIZKETEZ BALIATZEKO BALDINTZAK ZEHAZTUKO DIRA.

Hezkuntza Sailak urtero xedapen orokor bat egiten du, goi-hezkuntzako zerbitzu publikoen truke ordaindu beharreko prezio publikoak finkatzeko eta prezio horien salbuespen eta murriztapenez baliatzeko baldintzak ezartzeko.

Urriaren 1eko 39/2015 Legeak, Administrazio Publikoen Administrazio Prozedura Erkidearenak, 133.1 artikuluan xedatzen duenez, arau-xedapenaren proiektu bat egin aurretik kontsulta publikoa egin behar da administrazio eskudunaren atariaren bidez, eta kontsulta horretan etorkizuneko arauak eragin ahal dien pertsona eta erakunde esanguratsuenen iritzia jasoko da.

Kontsultak honako alderdiei buruzkoa izan behar du:

- Ekimenarekin konpondu nahi diren arazoak.
- Onartzeko premia eta egokitasuna.
- Arauren helburuak.
- Egon daitezkeen ordezeko irtenbide batzuk, arautzaileak eta ez arautzaileak.

2017ko abenduaren 12ko Gobernu Kontseiluak xedapen orokorrak egiteko prozedura aplikatzeari buruzko jarraibideak onartzen dituen erabakia hartu zuen. Besteak beste, erabaki horrek alde aurreko kontsultaren izapidea betetzeko jarraibideak zehaztu zituen, eta xedatu zuen izaera orokorreko xedapenaren organo sustatzaileak izapidetu dezakeela alde aurreko-kontsulta, EAEko administrazio orokorreko egoitza elektronikoko iragarki-taulan iragarkia jarrita, eta informazio hori bera Legegunean jarri behar dela, gardentasunari buruzko legezko publikitate aktiboari buruz agintzen duena betez.

Alegia, kontsulta publikoko izapidea:

- Etorkizuneko arau-erregulazte horrek eragin ahal dien instituzio publiko, pertsona fisiko, erakunde edo elkarte guztiei zuzentzen zaie.
- Euskal Autonomia Erkidegoko Administrazio Orokorraren web atarian emango da argitara.
- Hogei egun balioduneko epea ematen du eragindako instituzioek, herritarrek eta beren erakundeek nahi dituzten iradokizun edo oharrak aurkez ditzaten.

Horregatik, legez aurreikusten den eskemaren arabera gauzatzen da, orain, kontsulta publikoaren tramite hori. Gainera, arau-proiektua egin aurretik eta ekainaren 30eko 6/2022





Legeak, Xedapen Orokorrak Egiteko Prozedurarenak, 4. eta 5. artikuluetan arautzen duen fasean gauzatzen da.

Otsailaren 23ko 71/2021 Dekretuak, Hezkuntza Sailaren egitura organikoa eta funtzionala ezartzen dituenak, ematen dizkidan eskumenez baliatuz,

EBAZTEN DUT

Lehena.- Kontsulta publikoaren izapidea gauzatzea, 2024-2025ko ikasturtean Universidad del País Vasco/Euskal Herriko Unibertsitatearen goi-hezkuntzako zerbitzu publikoen truke ordaindu beharreko prezioak finkatuko dituen eta prezio horien salbuespen eta murriztapenez baliatzeko baldintzak ezarriko dituen xedapen orokor baten proiektua egin aurretik.

Bigarrena.- Herritarrek eta arauak eragiten dien erakundeek hogeit hamar laneguneko epea izango dute, Euskal Autonomia Erkidegoko Administrazio Orokorraren web atarian argitara eman eta hurrengo egunetik kontaktzen hasita, agindu honetan planteatutako alderdiei buruzko iritzia Sailari helarazteko.

Jokin Bildarratz Sorron
Hezkuntzako sailburua



ERANSKINA

1.- Ekimen arauemaile horren bidez konpondu nahi diren arazoak.

Universidad del País Vasco/Euskal Herriko Unibertsitatearen goi-mailako hezkuntzako zerbitzu publikoen prezioak finkatu nahi dira 2024-2025 ikasturterako, bai eta prezio horien salbuespen eta murriztapenez baliatzeko baldintzak ezarri ere.

2.- Onartzeko beharra eta egokitasuna.

Hezkuntza Sailak xedapen orokor bat egiten du urtero, Universidad del País Vasco/Euskal Herriko Unibertsitatearen goi-mailako hezkuntzako zerbitzu publikoen prezio publikoak finkatzeko eta prezio horien salbuespen eta murriztapenez baliatzeko baldintzak ezartzeko. Horregatik, beharrezkoa da arau hau onartzea, 2024-2025 ikasturteko prezioak finkatu ahal izateko.

3.- Egin nahi den arau-proiektuaren helburuak.

Araudi horren xedea da Universidad del País Vasco/ Euskal Herriko Unibertsitatearen goi-mailako hezkuntzako zerbitzu publikoen truke ordaindu beharreko prezio publikoak finkatzea 2024-2025 ikasturterako, bai eta horien salbuespen eta murriztapenez baliatzeko baldintzak ezartzea ere.

4.- Egon daitezkeen ordezeko irtenbide erregulatzailerak eta ez-erregulatzailerak.

Arau horrek prezio publikoak finkatu behar ditu, Unibertsitate Politikako Konferentzia Orokorrak ezarritako mugen barruan, Unibertsitatei buruzko abenduaren 21eko 6/2001 Lege Organikoaren 81.3.b) artikuluan ezartzen den bezala (apirilaren 12ko 4/2007 Lege Organikoak aldatua).

Bestalde, Euskal Unibertsitate Sistemari buruzko otsailaren 25eko 3/2004 Legearen 39. artikulua jasotzen ditu unibertsitate-zerbitzu akademikoak erabiltzeagatik ordaindu beharreko prezioen salbuespenak eta murriztapenak, bai eta legez ezartzen diren gainerako eskubideak ere. Eskubide horiek Universidad del País Vasco/Euskal Herriko Unibertsitateko ikasleek izango dituzte, erregelamenduzko aurreikuspenen esparruan. Era berean, artikulua horretan arautzen da prezio publikoak finkatzeko aginduak salbuespen-baldintzak zehaztu ahal izango dituela, bai eta beste salbuespen oso edo partzial batzuk ezarri ere, baldin eta diskriminazio arbitrarioz ez badakarte.